



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

XVI. De Tartaris.

urn:nbn:de:hbz:466:1-15974

Christianæ religionis cultum longius latius, que per orbem diffundi super omnia cupientes, inestimabilis doloris telo transfodimur, si quando aliqui sic nostro in hac parte obuiant desiderio, affectu contrario & effectu, quod ipsum cultum delere penitus de terræ superficie omni studio totaque potentia moliuntur. Sane Tartarorum gens impia Christianum populum subiugare sibi, vel potius perimere, appetens, collectis iamdudum suarum viribus nationum, Poloniā, Rusciam, Hungariam, aliasque Christianorum regiones, ingressa, sic in eas depopulatrix insæuit, ut gladio eius nec ætati parcente nec sexui, sed in omnes indifferenter crudelitate horribili debacchante, inaudito ipsas exterminio deuastarit, ac aliorum regna continuato progressu illa sibi, eodem in vagina otari gladio nesciente, incessabili persecutione substernit; ut subsequenter in robore fortiores exercitus Christianos inuadens, suam plenius in ipso possit sæuitiam exercere, sicque orbato (quod absit) fidelibus orbe, fides exorbitet, dum sublatos sibi gemuerit ipsius gentis feritate cultores. Ne igitur tam detestanda gentis eiusdem intentio proficere valeat, sed deficiat, auctore Deo, potius, & contrario concludatur euentu, ab vniuersis Christicolis attenta est consideratione pensandum, & procurandum studio diligenti, ut sic illius impeditur processus, quod nequeat ad ipsos vltterius quantumcumque potenti armato brachio pertransire. Ideoque, sacro suadente Concilio, vniuersitatem

INNOCENTIVS LVGDVNENSE I. FRIDERICVS II. IMP.
P. IV. S. LUDOVICVS REX FRANC. 445

ANNO CHRISTI 1445
vestram monemus, rogamus, & hortamur, attente
mandantes, quatenus viam & aditus, vnde in terram
nostram gens ipsa posset ingredi, solertissime per-
scrutantes, illos fossatis vel muris, seu aliis ædificiis,
aut artificiis, prout expedire videritis, taliter præ-
munire curetis, quod eiusdem gentis ad vos ingres-
sus patere de facili nequeat. Sed prius apostolicæ se-
di suus denuntiari possit aduentus, vt ea vobis fide-
lium destinante succursum, contra conatus & insul-
tus gentis ipsius tuti esse, adiutore Domino, valeatis.
Nos enim in tam necessariis & vtilibus expensis,
quas ob id feceritis, contribuemus magnifice, ac
ab omnibus Christianorum regionibus, cum per
hoc occurratur communibus periculis propor-
tionaliter contribui faciemus, & nihil minus super
his aliis Christi fidelibus, per quorum partes ha-
bere posset aditum gens prædicta, literas præsentи-
bus similes destinamus.

XVII.

Afflicti corde pro deplorandis terræ sanctæ pe-
riculis, sed pro illis præcipue, quæ constitutis in
ipsa fidelibus noscuntur nouiter accidisse, ad libe-
randam ipsam, Deo propitio, de impiorum ma-
nibus, totis affectibus aspiramus, diffinientes, sa-
cro approbante Concilio, vt ita Crucesignati se
præparent, quod opportuno tempore vniuersis
insinuando fidelibus per prædicatores, & nostros
nuntios speciales, omnes, qui disposuerint trans-
fretare, in locis idoneis ad hoc conueniant: de
quibus in eiusdem terræ subsidium cum diuina &
apostolica benedictione procedant. Sacerdotes

Kkk iij